




EPITAPHIUM

MARIO CAPASSO


PRAESIDI SOCIETATIS ITALICAE
CLASSICIS STUDIIS PROVEHENDIS (A.I.C.C.)
DE EAQVE OPTIME MERITO

IN MEMORIAM

ANNO PRIMO ABEVNTI A QVO MARIVS CAPASSO
PRAESES SOCIETATIS ITALICAE
CLASSICIS STUDIIS PROVEHENDIS (A.I.C.C.)
IMMATVRAE MORTI OCCVBVIT
SODALES CVNCTI EIVSDEM SOCIETATIS
MAERORE ADFECTI, IMMO CONFECTI
MAGISTRVM PRAESIDEM COLLEGAM
CONCORDES CONLACRIMANT
MAGIS MAGISQVE DESIDERANT
ITEMQVE GRAECITATIS AC LATINITATIS CVLTORIBVS
TAM EXIMIVM "DICTI STUDIOSI" ⁽¹⁾ PRAECELLENTIS



EXEMPLAR PRAEFERVNT ATQVE COMMENDANT.
PROFECTO STVDIA HVMANITATIS MARIVS CAPASSO
INDEFESSA INDVSTRIA DOCTRINAQVE PRAECLARA
EXCOLVIT EXERCVIT EXCITAVIT
CVM IN DISCIPVLIS ERVDIENDIS
DISCIPLINISQVE POPYROLOGICIS INGENIOSISSIME INVESTIGANDIS
APVD STVDIORVM VNIVERSITATES
NEAPOLITANAM ATQVE SALENTINAM
TVM IN SOCIETATE NOSTRA ADCVRATISSIME ADMINISTRANDA.
FVIT ILLE ANIMO INVICTO, INGENIO ACRI, IMPIGRA ACTVOSITATE
SVMMIQVE MODERATORIS CREDITA SIBI MVNIA
COMPLEVIT ET GESSIT,
NIMIRVM NVMQVAM NON ALTE CONTVENS,
TALI ACIE MENTIS PRVDENTIQVE CONSILIO
VT CONSOCIATIO NOSTRA MAIORA IN DIES
CONSEQVERETVR INCREMENTA.
NAM IN VBERRVMA ILLA VINEA,
QVAE QVIDEM EST SOCIETAS ITALICA
CLASSICIS STVDIIS PROVEHENDIS (A.I.C.C.),
MVLTI SANE OPERARII OPIPIRE PLANTAVERINT,
MVLTI SANE MVNIFICE RIGAVERINT,
ATTAMEN MARIVM CAPASSO PRAESIDEM
PRAECIPVVM AC PECVLIARE QVODDAM INCREMENTVM
DEDISSE NEMO EST QVI INFITIARI POSSIT.⁽²⁾
RE VERA SOCIETATEM NOSTRAM,
IN ANGVSTIIS VERSANTEM SVMMOQVE IN DISCRIMINE,
IN SVAM DICONEM SVSCEPTAM
PER TRINA ANNORVM LVSTRA (MMVII - MMXXIII)
NOVIS VALIDISQVE INCEPTIS
SOLLERTIA SOLLICITVDINEQVE PROVECTIS
IN VALETVDINEM IMMO IN PROSPERITATEM




ET IN PRISTINAM DIGNITATEM RESTITVIT
SVBLIMIQVE IN SVGGESTV CONSTITVIT.
QVAM OB REM IS MERITO PLENE PLANEQVE "CLVET
FECISSE FACINVS MAXIMVM" (5)
PAENEQVE MIRIFICVM.

PRAECIPVA PRVDENTIA ANIMIQVE MODERATIONE ENITVIT,
SVAVITATE AC LENITATE MORVM OMNES SIBI DEVINXIT,
ALACRITATEM EXIMIAM PER TOTIVS VITAE CVRSVM EXHIBVIT,
VNDE ADIVMENTVM ADPROBATIONEM CONSENSVM EST CONSECVTVS:
TANTA INSIGNIS DOCTRINAE ET INDEFATICABILIS INDVSTRIAE
DOCVMENTA RELIQVIT TANTVMQVE DESIDERIVM SVI!
DENIQVE MARIVS CAPASSO DE SOCIETATE ITALICA
CLASSICIS STVDIIS PROVEHENDIS (A.I.C.C.)
TAM OPTIME MERVIT
VT OMNES QVOT PROBE PRO HORVM STVDIORVM
TVTAMINE AC PROFECTV SINT SOLLICITI
PRAECIPVEQVE PROPVGNET
ANIMVM QVAM GRATISSIMVM EI OPORTEAT PRAEBERE.

— ❦ —

AETERNVM VALE, VALENTISSIME AMICE,
QVEM NON TANTVM COGNATI COLLEGAEQVE TVI
VERVM ETIAM OMNES QVI
IN AMPLISSIMO TVO OBEVNDI MVNERE
ADIVTRICEM TIBI OBTVLERVNT OPERAM
MAESTO AC MAERENTI ANIMO DEFLENT
MAXVMEQVE DESIDERANT, VEHEMENTER PEROPTANTES
VT SEMPITERNA ILLA PACE PERPETVO PERFRVARE
QVAE NESCIT OCCASVM
QVAEQVE OBSTINATAE OPERAE TVAE AC PRAEFVLGENTIS VIRTVTIS
OPTATISSIMVM SIT PRAEMIVM.



VALE AETERNVMQVE VALE, O PRAEDVLCIS AMICE,
O "GRANDE DECVS COLVMENQVE" (4) NOSTRVM:
"SEMPER HONOS NOMENQVE TVVM LAVDESQVE MANEBVNT" (5)

RENATVS VGLIONE
PRAESIDIS VICARIVS SOCIETATIS ITALICAE
CLASSICIS STVDIIS PROVEHENDIS (A.I.C.C.)
NEC NON PRAESES LEGATIONIS TAVRINENSIS
EIVSDEM SOCIETATIS
AMICITIAE ATQVE GRATAE MEMORIAE CAVSSA

AVGVSTAE TAVRINORVM VII KAL. IAN. A.D. MMXXIV
ANNO I ABEVNT E AB OBITV AMICI DESIDERATISSIMI



ADNOTATIONES

- (1) Id est "philologi" (cf. ENN. *Ann.* 216)
- (2) Cf. PAVL. *I Cor.* 3, 6: *Ego plantaui, Apollo rigavit sed Deus incrementum dedit.*
- (3) Cf. PLAVT. *Bacch.* 925: *Atridae <...> cluent fecisse facinus maximum.*
- (4) HOR. *Carm.* II 17, 4.
- (5) VERG. *Aen.* I 609.